

KAMASHINATAUTISHUT UMASHINAIKAN

UTSHIMAU TSHE TSHITAPATAK TSHE MASHINATAUTISHUNANUT TSHUITAMAK^U ESHINAKUANNITI TSHITIPENITAMUNA.

TSHIKA TSHI A MASHINATAUTISHUN?

Tshetshi mashinatautishuin, tshika ui uinikaun nete mashinaikanit ka uinakaniht auenitshenat tiapuetuakaniht tshetshi mashinatautishuht mak tshika ui ume ishi-kanuenitashun:

- tshika ui peikunnuepipuneshin/kutunnuepipuneshin ashu nishuaush kie ma etatu;
- tshika ui ishi-uinikaun miam auen ka utshipanit ute Canada-assit;
- shash kutuasht-tatupishimua ute Uepishtikueiau-assit tshika ui apin.

TSHUINIKAU A ANITE MASHINAIKANIT KA UINAKANIHT AUENITSHENAT TSHE MASHINATAUTISHUHT ?

Tshipa tshi natu-tshisseniten tshitapatamani mashinaikan tshe itishaikanit mitshuapit.

TAN TSHIPA TUTEN TSHETSHI MASHINATAUKAUIN ANITE MASHINAIKANIT KA UINAKANIHT AUENITSHENAT TSHE MASHINATAUTISHUHT?

Tshipa ui ituten nete mashinaikanitshuapit ka ueueshi-tshitapakaniti mashinaikana, tshe natuenitamin tshetshi mashinataukauin kie ma tshetshi minushakanit ne mashinaikan. Peik^U tshikanish, tshinapem, tshitshishkuem kie ma ne auen ka uitapimishk tshitshit tshipa tshi natuenitam^U tshetshi tutakannit.

Tshika ui uapatiniuen nish^U kanuat meshinaikanit tshitshinikashun natuenitamani tshetshi mashinataukauin kie ma apu tshika ut tapuetakanit eshi-natuenitamin.

Ushkat kanu

Ne ushkat kanu, tshika ui mashinataikanu tshitshinikashun mak tan ishpish ka inniuin.

Mate: mashinaikan uatakanit tan eshpish ka inniuin, tshitakushiu-kanum, mashinaikan ka apatak pepamishkanuti ait-assit.

Kutak kanu

Ne kutak kanu, tshika ui takuan tshitshinikashun mak tanite epin.

Mate: utapan-kanu, kaimitunanut-mashinaikan kie ma uashtenimakam-mashinaikan.

TANITE TSHEMATET MASHINAIKANITSHUAP KA UEUETASHTAKANITI MASHINAIKANANA?

Anite tshematet, tsheku-tshishikua mak tan tatutipaikana shienakanit ne mashinaikanitshuap, nete uitakanu mashinaikanit ka itishaikanit mitshuapit.

ASHUSHTAKANU TIPAIKAN

Shaputuepanu ne tshishik^U tshetshi ueuetashtain tshimashinaikan ek^U tshui natueniten tshetshi uinikaun kie ma tshetshi ueuetashtakanit ne mashinatautishu-mashinaikan? Tshipa tshi aimin nete mashinaikanitshuapit. Tshika uitamakaun tan ishpish tshetshi ueuetashtakanit ne kau mashinaikan mak tanite tshe itutein. Anite tananuti, **muk^U tshiam ne auen ka ui mashinatautishut** tshika tshi natuenitam^U uetshit tshetshi mishkutinakannit nenu mashinaikannu.

MISHTA-APATAN UME! Tshi mashinataukushini anite mashinaikanit ka mashinataukaniht auenitshenat miam ueuetashtakaniti, apu tshika ut tshi mashinatauishun ne tshishiku ka pitshitanakanit, muku tshiam nete tshishikua tshe mashinatauishun nete umashinaikanitshuapit kupaniesh ka atusseshtak meshinatauishun nete kie ma tshipa tshi natshi-mashinatauishun neme tshishiku utshitshipaniti tshetshi mashinatauishun nete.

TANITE MAK TAN ESHPIH TSHE MASHINATAUTISHUNANUT?

Peshinakuaki tshetshi mashinatautishun nete, tshika itishaimakau kanu tshetshi tshissiumikauin, tshika mashinateu anite kassinu tshekuan tshe ui tshissenitamin tshetshi mashinatautishuin neme utitshipaniti tshishik^U tshetshi mashinatautishun nete. Tshika mashinatenua utishinikashunaua anitshenat ua patutsheht nete pessish epin.

KATAK^U ANITE TSHUTSHIPAN A?

Ueshami-kataku usham passe tshimateua utenaua, eukuan uet tutakanit tshekuan.

Neni tshekuana ka tutakaniti uitshieuea tshetshi:

- natuenitakanit tshetshi ueuetashtakanit mashinaikan ka uinakaniht auenitshenat katshi mashinatautishuht e apashtakanit takapitshenikan;
- mashinatautishuht uipat auenitshenat ua mashinatautishuht, e tshitishaikau umashinaikanuaua;
- tshitishaimek^U tshimashinaikanuaua ka-tshuauinakanuaua ashit ne takapitshenikan.

Tshipa tshi aiminan tshetshi natu-tshissenitamek^U tshetshi ma uitshikaui^U tsheshi mashinatauishiuek^U kie ma, itutek^U nete atusseu-katshitapakanit tshe shatshuapatamek^U etashtet "Eshi-uitshiakaniht auenitshenat tshetshi mashinatautishuht anite katak^U ka apiht".

APU TSHIKA TSHI MASHINATAUTISHUIN NEME TSHISHIK^U MASHINATAUTISHUNANUTI?

MITSHET ESHI-PIMUTENANUT TSHIPA TSHI NAUSHUNEN!

- Nikan tshipa tshi mashinatautishun. Tshitapata neme mashinaikan tshe uitaukauin tshitshit tshetshi tshissenitamin anite tshe mashinatautishun nete, tsheku-tshishik^U mak tan tatutipaikana tshe ishpish shenakanit ne mashinaikanitshuap nikan tshe mashinatautishun nete.
- Tshipa tshi natshi-mashinatautishun nete umashinaikanitshuapit ne ka takuaimatak e mashinatautishun nete kie ma anite mashinaikanitshuapit kie neni tshishikua tshe uitakaniti. Kukuetschim ne ka takuaimatak e mashinatautishun nete kie ma natshi-uapata nitatusseu-katshitapanimanan tshetshi tshissenitamin tanite tekuak ne mashinaikanitshuap tshe ui itutein.
- Ait anite apini mak at anite tshipa ui mashinatautishun nemi tshishikua tshe mashinatautishun nete, tshipa tshi ituten anite katakuaimatak e mashinatautishun nete umashinaikanitshuapit anite etain mekuat nemi tshishikua tshe mashinatautishun nete. Tshika ui mashinatautishun nete anite ka pitutsheht neme assi uetshin.
- Tshika takuana neni ka mashinatautishun nete nete passe mishka-katshishkutamatshuapit kie anite nesseshepit.

TSHEKUAN TSHE TUTAMIN TSHETSHI MASHINATAUISHUIN?

Ushkat tshekuan Ne kupaniesh etusset nete mashinaikanitshuapit tshika tshitapatam^U tshetshi ma mashinataukauin nete mashinaikanit ka uinakaniht anitshenat katshi mashinatautishuht.

Nish^U Tshika uinitishun mak tshika uapatiniuen peik^U tshikanum.

Nisht^U Tshika minikaun peik^U mashinaikaniss tshetshi mashinatautishuht.

Neu Tshika ituten nete katshipaikanishit tshetshi mashinatautishuht, apu auen tshika ut uapamishk anite. Tshika ui muk^U tshiam peik^U mashinatain ne kauaueiat, tshika ui apashtauan nenu mashinaikanashkunu ka minishk ne kupaniesh.

Patetat Tshi tshishi-mashinatauishiui tshika ituten nete mitshishuakanit.

Kutuasht Tshin tshika pitain tshimashinaikanuian nete miutit, ka ashtakaniti mashinaikana.

MISHTA-APATAN UME!

Ui mashinatautishuini, tshika ui uapatiniuen ume peik^U mashinaikanit tshetshi tshissenimikauin uemut an tshin meshinatautishuht:

- tshitakushiu-kanum;
- tshutapan-kanum;
- tshimashinaikan ka apatak pepamishkanuti ait-assit;
- tshitinnu-kanum;
- tshishimakanishiu-kanum.

TAKUANA A AIT ESHI-PIMUTENANUT TSHETSHI MASHINATAUTISHUNANUT?

Eshe, takuana tipan eshi-pimutenanut tshetshi mashinatautishuht anitshenat:

- uenapissish eka ka taht Uepishtikueiau-assit;
- eka ka tshi nakatahk uitshuau usham akushuat mak anitshenat ka aitutuht nenua ka akushiniti auennua mak mamu ka uitshihit;
- Ka taht akushiutshuapit, ka kanuenimakanit auen mak minekash ka natukuiaikanit, ka uitshiakanit tshetshi kau minuinnit kie ma passe tshissenitshuapa.

Tshinishtuapamauau a auen nenu kiatshitaukut?

Uipat uitamuek^U, usham uipat tshika ui katshinikanua neni eshi-natuenitakaniti nemi tshishikua tshe ishpish mashinatautishun nete.

TSHIKUKUETSHIMITISHUN A?

- Shatshuapata nete atusseu-katshitapakanit, utshimau ka takuaimatak nenu tshe mashinatauishun nete: **www.elections.quebec**.
- Tshipa tshi aimiau ne utshimau ka takuaimatak nenu tshe mashinatauishun nete, nete kaimitunanut eka ka tshishikashun nete tshe aimin: **1 888 ÉLECTION (1 888 353-2846)**.
- Tshika tshi mashinaimau ne utshimau ka takuaimatak tshe mashinatauishun nete utatusseu-katshitapakanit: **info@electionsquebec.qc.ca**.